



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 30. S. Bardo Archiepiscopus Moguntinus.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI  
A.C. 1031.

§. XXX.

S. Bardo Archiepiscopus Moguntinus.

*vit. Sæc. 6.* *Ben. 2. p. 6.* In Germania Ariboni Archiepiscopo Moguntino vita functo S. Bardo successit, qui nobili genere ortus, & in Monasterio Fuldensi sub Abbate Archambaldo, cui postea Moguntinæ Ecclesiæ Infula obvenit, literis imbutus, ibidem Institutum monasticum amplexus est. Cum Pastorale S. Gregorii manibus continuo tere-  
ret, Fratribus causam requirentibus subridens respondit: *Forsan aliquando Rex existet, simplex adeo, ut ceteris omnibus Episcopatum suscipere recusantibus, id muneris mihi daturus sit.* Richardus deinde Abbas Fuldensis, constructo novo monasterio, prope monasterium majus sito, Bardonem præfecit. Cumque Conradus Imperator Fuldam divertens, etiam novellum monasterium videre voluisset, occurrentem sibi Bardonem, fama jam prius notum, & Reginam conjugem suam affinitate contingentem, lætissimus excepit, mox etiam amplexu strinxit, eique Dignitatis Ecclesiasticæ honorem, quamprimum nasceretur occasio, promisit. Nec fidem fefellit, nam post modicum temporis spatium, missio ad Richardum Abbatem nuncio, Bardonem ad se venire jussit, cui primo Abbatiam Werthinensem prope Coloniam, & postea



postea Herfeldensem etiam prope Fuldam Sæculum XI.  
contulit. Bardo ambas simul Dignita- A.C. 1031.  
te Abbatiali auctus rexit.

Aribo Archiepiscopus Moguntinus, Chron. Sax.  
anno millesimo trigesimo Paderbornæ 1032.  
Festum Natalis Domini cum Imperatore  
celebrans, licentiam Romam proficiscen-  
di ab eo petiit; quo itinere anno sequen-  
te post Festum Purificationis suscepto, in  
reditu decima tertia Aprilis anno mille-  
simo trigesimo primo migravit e vita,  
postquam Sedem Moguntinam annis de-  
cem tenuisset. Baculo ejus pastorali  
ad Conradum Imperatorem delato, ipse  
suos ad consilium vocat de eligendo Suc-  
cessore deliberaturus. Postquam plures  
fuisent nominati, suggestit aliquis, Mo-  
nasterium Fuldense præter alia privilegia  
etiam illo gaudere, quod Archiepiscopi  
Moguntini saltem alternatim ex ejus gre-  
mio eligendi essent. Distulit Imperator  
electionem, atque, tabulis Monasterii in-  
spectis, omnino patuit, id juris huic Con-  
gregationi competere, & Imperatoris  
Antecessores ab hac Regula non disces-  
sisse. Illico spem certam concepit Ri-  
chardus Abbas Fuldensis, fore, ut hæc  
Dignitas sibi obtingeret, & rebus dome-  
sticis mature compositis iter ad Regiam  
direxit. At ecce, quadem die mane ad  
monachos itineris socios inquit: *Nolite  
lugere, Fratres, semper me Abbatem ha-  
bebitis.*



Sæculum XI. *bebitis. Vidi hac nocte Bardonem fratrem nostrum stantem in monte altissimo, quo ego ascendere nequibam, & pedum manu tenentem. Circa eum oves pasqua carpebant, & sub ejus pedibus fons limpidissimus scaturiebat. Ipsum procul omnidubio ad Episcopale munus Cælum elegit. Supremae Dei voluntati cedamus.*

Omnibus ad Electionem mense Junio in Vigilia S. Petri congregatis, dixit Rex, neminem nominans, nosse se virum Episcopatu dignissimum. Tum, Bardone ad se vocato, ait, se ipsi Ecclesiam Moguntinam juxta privilegia Monasterii Fuldenfis conferre. Itaque Bardo altera die vigesima nona Junii anno millesimo trigesimo primo annos natus circiter quinquaginta consecratur. Imperatore hoc anno Goslariæ Festa Natalitia Domini celebrante, Bardo adfuit, atque cum pro suæ Dignitatis prærogativa in Natali Domini Officium Divinum perageret, recitato Evangelio brevissime dixit ad populum. Multi vero sermonis simplicitate & brevitate offensi querebantur, monachum ad tantæ Dignitatis fastigium fuisse promotum; jamque Imperatorem poenitentia subibat, quod eum elegisset. Altera deinde die in Festo S. Stephani Theodoricus Episcopus Metensis inter Missæ Solemnia ad populum orationem habuit, *S. Bardo. quam omnes laudarunt. Hic vir est, in-*  
*quie-*



quiebant, quem eloquentia eximia Episcopali munere dignum facit. In Festo S. Joannis ad Bardonem Clericorum aliquis mittitur, qui interrogaret, quis hac die Missam esset celebraturus. Et Archiepiscopus respondit, se ipsum celebraturum. Amici quidem de ejus fama solliciti a proposito eum dimovere conabantur, prætexentes, Archiepiscopum frequenter celebrando nimium quantum defatigari. At ipse illa die tam diserte, tam apte ad persuadendum peroravit, ut non solum omnes mirarentur, sed etiam erumpentes lacrymas cohibere non possent. Hunc quoque Sermonem Scriptor vitæ ipsius literis mandavit. Tum venientem, ut de more mensæ accumberet, conspiciens Imperator dixit: *Mibi hodie Natalis Domini est. Vicinus malevolorum invidiam*, eique priori aquam lavandis manibus præberi jussit. At Archiepiscopus nec illius diei laudibus, nec superioris contemptu motus, ad Diocesim suam, quam exinde annis viginti rexit, reversus est.

Hamburgi Libentius II. Archiepiscopus vigesima quinta Augusti anno millesimo trigesimo secundo obiit, apud omnes ingens sui desiderium relinquens. Successorem habuit Hermannum Capituli Halberstadiensis Præpositum, qui Baculo pastorali a Conrado Imperatore,

Sæculum XI.  
A C. 1031.

Adam. l. III.  
c. 50.

&



Sæculum XI. & Pallio a Benedicto IX. Papa accepto  
A.C. 1032. in Cathedra Hamburgensi annis ferme  
 tribus sedit. Vir simplex, requisita pruden-  
 tia destitutus, & pravis Domesticorum  
 consiliis obsequens, officio Pastoris  
 segniter fungebatur. Semel tantum  
 Hamburgum veniens tot famulos, comi-  
 tes, hominesque omnis disciplinæ impa-  
 tientes illuc deduxit, ut speciem hostilis  
 exercitus referrent. Inter alios Herman-  
 ni Capellanos fuit Suidgerus, postea ac-  
 cepto Clementis II. nomine Papa.

## §. XXXI.

*Joannis XIX. obitus. Benedictus IX.  
 Papa.*

*Glab. IV.* <sup>6.9.</sup> Agebatur annus a partu Virginis mille-  
 simus trigesimus tertius, cum vigesima  
 nona Junii in Festo S. Petri die Ve-  
 neris Sol Eclipsin admodum notabilem  
 passus est, atque eadem die Romanorum  
 præcipui contra Papam Joannem XIX.  
 conjurati necem ei machinantur, cum-  
 que facinus peragere non valerent, sal-  
 tem Pontificem e Sacra Sede pellunt.  
 At Conradus Imperator Romam cum  
 exercitu perveniens, cunctis Rebellibus  
 domitis Papam restituit. (\*) Joanne Pa-  
 pa

(\*) Ex his observabit Lector, quantam cura-  
 rum & negotiorum molem Romanorum seditio-  
 nes